

Inatsisartut suleriaasianni § 37, imm. 1 naapertorlugu, matumuuna apequtit uku Naalakkersuisunut apequtigaa:

- 1. Namminersorlutik inuussutissarsiutinik ingerlataqartunut nalunaarummik, kaajallaasitamik imaluunniit ilitersuummik nalikilliliisarnerit allangortinneqarnerannut tunngasumik sulii sanasoqarsimannginnera uppersarnerqarsinnaava?**
- 2. 2013-imili upernaakkut pineqartoq pillugu nalunaarummik nutaamik saqqummiussisoqalersaarnera uppersarnerqarsinnaava, taamaassimassappallu, taassuma sulii tamanut saqqummiunneqannginneranut suna ajornartorsiutaava?**
- 3. Pigisanut nalilinnut akuliussatut atorineqartunut tunisinermi ajunaarutit iluanaarutisiallu nalunaarsorneqartarnerannut malittarisassat, pigisat nalillit ukiunut siusinnerusunut naleqqiullugu assigiinngitsunik immikkoortitikkani naleqarlutik agguataarneqartarneranni, taakku “malittarisassatoqqat” naapertorlugit nalunaarsorneqannginnissat uppersarnerqarsinnaava?**
- 4. Nalilittut pigisat akulerussatut atorineqartunut tunngasuni siusinnerusukku iluanaarutigisat “nalikilleqqitatut” kiisalu “tunisinermi iluanaarutisiatut” nalunaarsorneqartussaapput. Akileraartartoq taamatut nalunaarusiornissami 2013-imut tunngasumi qanoq iliuuseqassava, inatsimmimmi allannguinnikkut periarfissaq inatsimmi periarfissaajunnaarsimasutut isikkoqarmat?**
- 5. 2013 sioqqullugu biilit inuussutissarsiutinut atatillugu pisiat atorineqarneri 50 %-imit appasinnerutillugit, biilillu 2014-imi iluanaaruteqarluni tunineqarneranni akileraartartoq, akileraarutitut immersuinermini malittarisassat nutaat naapertorlugit qanoq iliornissaa Naalakkersuisut nassuiarsinnaavaat?**
- 6. Inuussutissarsiornermik ingerlatsisut inatsisip taamak ersarlutsigisup, pisortallu nalunaarutit ilitersuutillu atorlugit sulii nassuarsinnaasimanngisaannik paasinnissinnaaneq Naalakkersuisut naapertuuttutut isigaat?**
- 7. Nalikilliliinermut malittarisassat nutaat akileraartarnermut oqartussat isumaat naapertorlugu akileraartartumit paasinerlunneqarpata, tamanna qanoq tassunga kinguneqartinneqassava?**
- 8. Inuinnaat suliffeqarfinnik namminerisaminnik ingerlatsisut, ingerlatseqatigiiffinnut sanilliullutik illuutinik umiarsuarnilluunnit anginerusunik taarsiinerminnut atatillugu ajornerusunik nalikilliliisarnikkut nutaanik malittarisassiunneqarput. Suliffeqarfik inuinnarmik pigineqartutut ingerlanneqartoq tunisinerup nalaani tunisap akianik iluanaarutiminik ingerlaannartumik akileraartinneqassaaq, akierlianilli**

**ingerlatseqatigiiffiit ilunaarutitik nutaatut nalilittut pigisaminnut  
ilanngaatigisinnaavaat, taamaalillutillu akileraarutinut akiliinissartik  
kinguartissinnaallugu. Tamanna siunissami qaninnerpaami allangortissallugu  
Naalakkersuisut piumassuseqarpat?**

(Anders Olsen, Siumut)

**Tunngavilersuut:**

Inatsisartut inatsisaat nr. 9, 3. december 2012-imeersoq aqputigalugu namminersorlutik inuussutissarsiortunut nalikilliliisinnaanermut aalajangersakkat tamarmik siusinnerusumut sanilliullugu annertuumik allangortinneqarput. Ilaatigut pigisat nalillit annerpaamik eqimattanut sisamanut agguarneqarsinnaalerput, eqimattanullu ataasiakkaanut atuuttunik malittarisassat naapertorlugit nalikillilerneqarsinnaalerlutik, tamatumani pigisaat tamakkiisumik inuussutissarsiutinut tunngasumik, imaluunniit inuussutissarsiutinut namminerisamillu atugaanerat apeqqutaatinneqarnani.

2013-i tikillugu inatsimmi atuuttumi pigisanut nalilinnut akuleriittumik atorpeqartuni, kaajallaasitami sisamat sinnerlugit qupperneqartumi, pisiat, nalikilliliinerit kiisalu tunisinermi ajunaarutit/ilunaarutit qanoq akileraarutitigut nalunaarsorneqarnissaat nassuiarneqarpoq. Malittarisassat taakku inatsimmut qanganitsamut attuumassuteqarput, taamaammallu ullumikkut atorpeqarsinnaanatik, pigisammi nalillit maanna inuussutissarsiornermut atatillugu pigisanut nalilinnut allanut attuumassuteqaleramik. Pigisat nalillit akuleriittumik pigineqartut inatsisip 2012-imeersup oqaasertaani, tassungaluunniit siunnersuummut atatillugu nassuiaatini allaaserineqanngillat.

Malittarisassat nutaat 2013 aallarnerfigalugu siullermeertumik atorpeqalersussaapput, nammineerlunilu nalunaarsuutinut, namminersorlutik inuussutissarsiortut akiligassinneqassanngikkunik kingusinnerpaamik ulloq 1. maj 2014-imi tunniutereersimasassaani atorpeqassapput.

Apeqqutima ullut qulit iluanni akineqareersimanissaat kissaatigaara.